

Vuk'uzenzele

Produced by: Government Communication & Information System (GCIS)

English/Setswana

Lwetse 2021 Kgatiso 2



SA salutes whistle-blowers

Page 3



STAY SAFE

VACCINATE TO SAVE SOUTH AFRICA

TOGETHER WE CAN BEAT THE CORONAVIRUS



Ipeleng Kwadi sets her sights on Africa

Page 7

R11 billion allocated for jobs

THE ECONOMIC Reconstruction and Recovery Plan is helping the country's economy and people recover from the COVID-19 pandemic and recent unrest.

The Presidential Employment Stimulus Package has allocated an additional R11 billion to support employment, as part of the Economic Reconstruction and Recovery Plan (ERRP).

President Cyril Ramaphosa recently made this announcement when responding to questions during a sitting of the National Assembly.

He said initiatives such as the Basic Education Employment Initiative will continue, with the aim of creating jobs for the youth who have assisted in schools as part of the response to the Coronavirus Disease (COVID-19) pandemic.

Support for small-scale farmers and workers in the early childhood development sector also forms part of the stimulus package.

"The Presidential Employment Stimulus Package has supported close to 700 000 job opportunities to date, and largely to young people," he said.

The country's unemployment statistics have highlighted the urgent need for the public and private sectors to be actively involved in implementing the ERRP.

Results for the second 2021 Quarterly Labour Force



Survey (QLFS), recently released by Statistics South Africa, showed that unemployment has increased by 1.8%.

"The statistics released for the second quarter of this year are a reminder of our unemployment crisis and the extent of poverty in our country.

"While the interventions

contained in our ERRP are necessary and significant, I will say now that they are not enough," said the President.

He added that job creation can no longer be the mission of government alone.

"The time has now come

Cont. page 2



To read Vuk'uzenzele download the GOVAPP on:




Search for SA Government on Google playstore or appstore

CONTACT US

 Vuk'uzenzele  @VukuzenzeleNews

Website: www.gcis.gov.za
www.vukuzenzele.gov.za

Email: vukuzenzele@gcis.gov.za
Tel: (+27) 12 473 0353

Tshedimosetso House:

1035 cnr Frances Baard and Festival streets, Hatfield, Pretoria, 0083

FREE COPY NOT FOR SALE



Aforika Borwa e tlotlomatsa dipaki tse di neelang ka tshedimosetso e e masisi ka ga bonweenwee

Mo sebakeng sa dingwaga di le tharo e sale Khomišene ya Dipatlisiso tsa go Goga Puso ka Nko e simolola tiro ya yona, re utlwile ka matsapa a batlolamolao ba bonweenwee ba a dirang go fitlha melato ya bona.

E ne e le tiro e e boima tota go ribolola mafaratlhatlha a a susumeditseng ditiragalo tseno tsa bonweenwee.

Gareng ga tse dingwe, go ne ga tlhamiwa molokoloko wa dikhamphani tse tiro ya tsona ya boamaruri e neng e le go tsamaisa matlole ka bokhukhuntswane le go fitlha dituelo tse di neng di duelwa batho bao ba nang le dikgolagano tsa sepolotiki.

Yona mekgwa eo e bona-getse mo dipatlisisong tsa bonweenwee di le dintsi-nyana tseo di dirilweng ke Lephata la Dipatlisiso tse di Kgethegileng (SIU), Bothati jwa Dipatlisiso tsa Dikgetse tsa Bosenyi jo bo kwa Setlhoeng, Lephata la Dipatlisiso la Bothati jwa Bosekisi jwa Bosetšhaba (NPA) le tse dingwe.

Fa dipatlisiso tseno di tswelela e bile di le gaufi le go senola bao ba amegang, re bonedipaki lebalosika la bona ba tshosediswa, ba pateletsego go iphitlha, le gona go bolawa.

Go bolaiwa ga Babita Deokaran, motlhankedimogolo wa ditšhelete kwa Lefapheng la Boitekanelo la porofense ya Gauteng, ke seo se re gakololang ka matsho-setsi a a masisi a re tobaneng

le ona fa rotlhe re sa tlose seso seno mo setšhabeng sa rona.

Le fa re ise re itse seabe se segolo se se tlhodileng polao ya gagwe, re itse gore e ne e le paki e e botlhokwa thata mo patlisisong ya SIU ya go rekiwa ga didiriswa tsa go itshireletsa mo lefapheng le a neng a le direla.

Setlhopha sa SAPS le sa lephata la poraefete la pabalesego seo se tshwering babelaelwa ba le supa fa gautshwane se tshwanetse go tlotlomadiwa ka tiro ya bona.

Dokete e fetiseditswe go di Hawks, e bile patlisiso e tla ribolola tshedimosetso e nngwe gape ka ga gore goreng Mme Deokaran a bolailwe.

Go sa kgathalesege maemo a a tlhotlheleditseng kutlobotlhoko eno, Mme Deokaran e ne e le mogaka e bile e le motshepegi. Jaaka setlhopha sa dipaki tse di neelang ka tshedimosetso e e masisi ka ga bonweenwee bao, ka go ipaya mo kotsing, ba thusang go ribolola makgetlo a ditlolomolao, tsamaiso e e sa siamang, go thapiwa ga ditsala mo maamong a a rileng le bogodu.

Kwa ntle ga seabe sa bona se se bontshang bogatlamelamasisi le go nna le matshwaro, re ne re ka se kgone go upolola bao ba dirang bonweenwee.

Le fa bontsi ba nako e e sa tswang go feta go ntse go lebeletswe dipaki tse di neelang ka tshedimosetso e e masisi ka ga bonweenwee mo lephateng la puso, re leboga thata gape bao ba leng mo

lephateng la poraefete bao ditiro tsa bona di amogelang tsibogelo e e kwa tlase, fela le bona ba botlhokwa ka go lekana.

Dipaki tse di neelang ka tshedimosetso e e masisi ka ga bonweenwee ke batlhokomedi ba botlhokwa ba temokerasi ya rona. Ba opa mokgosi kgatlhanong le ditiro le ditiragatso tse di seng molaong mo pusong le mo mekgatlhong.

Ba ntsha mosi ka sekhumelo ka botshepegi le ka tsholofelo ya gore go ka se tsewe fela dikgato ka bopaki jo ba bo neelang, mme le gore ba tla sirelediwa e bile ba ka se welwe ke dintelo go latela bopaki jwa bona.

Mo Aforika Borwa go na le melao e le mentsi ya tshireletso ya dipaki tse di neelang ka tshedimosetso e e masisi ka ga bonweenwee e e akaretsang tsotlhe, go tsenyeletsa Molao wa Tshireletso ya go Ribolola Diphithela, Molao wa Merero ya Badiri, Molao wa Dikhamphani, Molao wa Tshireletso ya go Tlhokofadiwa, le Molaotheo ka bo ona.

Mogodimoga moo, Lefapha la Bosiamisi le Ditirelo tsa Kgopololo, ba dira mmogo le ditheo tse dingwe tse di dirisang molao, batsamaisi ba Kantoroya Tshireletso ya Dipaki go tlamela ka tshegetso go bao ba tlhokang kemonokeng le dipaki tse di tshosediwang mo ditsamaisong tsa bosiamisi dingwe le dingwe.

Go tsena mo lenaneong la dipaki ke ka boithaopo, e bile SAPS kgotsa NPA ba ka se

pateletse paki go dira jalo.

Fa botshelo ba paki bo ka tshosediswa kgotsa a ikutlwa a sa sireletsega, o tshwanetse go itsise babatlisisi le go dira kopo ya go amogelwa mo lenaneong. Lenaneo leno le le atlegileng le tshamekile karolo e e botlhokwa mo go boneng dikatlholo tse di atlegileng esale le simolola, bogolosegolo go lebeletswe bonweenwee jo bo rulagantsweng.

Go bonala sentle gore jaaka ntwaga kgatlhanong le bonweenwee e tia mooko, re tlhoka go lekola sešwa ka bonako tsibogelo ya ga jaana e seng fela go tshireletso ya dipaki, fela gape go tshireletso e e anameng ya dipaki tse di neelang ka tshedimosetso e e masisi ka ga bonweenwee.

Le fa ditsamaiso di le mmalwa di le teng go kgotntsha dipaki tse di neelang ka tshedimosetso e e masisi ka ga bonweenwee go bega ka sephiri, re tlhoka go thatafatsa ditsamaiso tse di leng gona ga jaana le go tlamela ka tshegetso e kgolo go bao ba tlisang tshedimosetso phatlhalatsa.

Jaaka setšhaba, re tlhoka go supa fao melao le dipholisi tse di leng gona di tlhangelang mo go sireletseng matshelo, dirodumo le pabalesego ya dipaki tse di neelang ka tshedimosetso e e masisi ka ga bonweenwee - le go dira mmogo go samagana le tseno.

Maikaelelo a dinokwane tseo di tlhaselang di dipaki tse di neelang ka tshedi-

mosetso e e masisi ka ga bonweenwee ga se fela go didimatsa batho ba ba rileng, gape ke go romela molaetsa go ba bangwe ba ba batlang go nna dipaki tse di neelang ka tshedimosetso e e masisi ka ga bonweenwee.

Tsatsi le letsatsi, maAforika Borwa a nang le sebetjeaaka Babita Deokaran ba eme tsi! gore ga ba kitla ba nna karolo ya bonweenwee e bile ba ikaeletse go nna dipaki kgatlhanong le bona.

Re le batho ba Aforika Borwa re a mo tlotlomatsa le dipaki tse di neelang ka tshedimosetso e e masisi ka ga bonweenwee tsotlhe mo maphateng a botlhe le a poraefete bao ba tlhagisang bonweenwee le go lejwa ka leitlho la kilo. Ba dira jalo go se sepe kgotsa moputso ope o ba o ntsheditse ng matlho. Se ba se batlang fela ke tirelo ya setšhaba ya maemo a a kwa godimo.

Re ka se ba swabise. Re tshwanetse, e bile re tla netefatsa gore ditlhagiso tsa bona di tla felela kwa bosekising le go dira go le gontsi go netefatsa gore ga ba kitla ba gobadiwa.

Re le maAforika Borwa, re batla go romela molaetsa o o bogale wa gore re ka se tshosediwane. Bao ba bakang dipolao tsa dipaki tse di neelang ka tshedimosetso e e masisi ka ga bonweenwee ba tla tlhatlhelwa le go seki-siwa, mme go tla nna fela jalo le ka bao ba bonwang molato wa bonweenwee joo babolai bano ba lehang go bo fitlha. **U**

Go bona matshwao a bolwetse jwa kankere mo baneng

KGWEDI YA MATSHOLOTEMOSO a Matshwao a Kankere, e e tshwarwang ngwaga yo mongwe le yo mongwe mo kgweding ya Lwetse, e lemosa baagi ka matshwao a bolwetse jwa kankere mo baneng.

Allison Cooper

Bolwetse jwa kankere mo baneng bo ntse bo tthatloga mo lefatsheng, mme mo baneng ba le 408 mo lefatsheng, a le mong go fitlhelwa e le yo a nang le bolwetse jwa kankere pele a ka tshwara dingwaga di le 15.

Go ya ka Taryn Seegers, Motlankedi wa Dithulaganyo tsa Dithlaeletsano mo Setheong sa Aforika Borwa sa Bolwetse jwa Kankere mo Baneng (CHOC), ba le babedi mo go ba le bararo go dumelwa gore ke bana ba ba nang le kankere mme ka bomadimabe ga ba tlamelwe ka kalafo eno mme e bile go le gantsi bano ke bona ba kankere ya bona e setse e ile magoletsa mo go ka se kgonegeng go ka e alafa.

Go tloga ka ngwaga wa 2011, CHOC e ntse e dirisana le Lefapha la Boitekanelo mmogo le dingaka tsa setso go tlamela dingaka, baiki, dingaka tsa setso le baagi ka tshedimosetso le kitso e e tsamaisanang le bolwetse jwa kankere mo baneng.

“Batho bano ba tlhatlhelwa ka tshedimosetso ya go bona go sa le gale matshwao a bolwetse jwa kankere mo baneng le go rutiwa gore ba ka ikgato losa jang dipuo tsa maaka le tsa go kgobelega ba ba nang le bolwetse jono mo baaging,” ga rialo Seegers.

Matshwao a go sa le gale a bolwetse jono:

- Bona thuso ya kalafi fa o na le matshwao a go sa le gale a a sa foleng.
- Matlho a a nang le thoro e tshweu, a a pelekaneng, a a sa boneng, a a rurugileng.

- Go tlhoga letlhole mo dimpeng le mo setlhaneng, mo tlhogong le mo mola leng, mo matsogong le mo maotong, mo kgetsaneng ya serwe sa bonna le mo dikgelesweng.

- Go fisa mo mmeleng go go sa itsiweng gore go tlhodilwe ke eng sebaka sa go feta dibeke di le pedi, go bopama, go tlhoka madi mo dinamaneng tsa matlho, go lapa, go tswa dintho bonolo kgotsa go dutla madi bonolo.

- Go opelwa ke marapo, dikgono, mokwatla le go robega bonolo.

- Bolwetse jwa dinerese fa motsamao o fetoga kgotsa o nna bodipa, fa o tsamaya o latlhelwa ke dikgato kgotsa o retelelwa ke go bua, fa o boela morago mo bolwetseng, o opiwa ke tlhogo sebaka sa go feta beke o tlhatsa kgotsa o sa



tlhatse le tlhogo e e susumogang.

Malwetse a kankere mo baneng

Malwetse a kankere mo baneng a farologane le a kankere e e tshwarang batho ba bagolo. Ona a lwatsa dirwe tsa mmele, fa o a lebile ka maekerosekoupu a farologane le a batho ba bagolo e bile a alafega, ga rialo Seegers.

“Palo ya bana ba ba folang ba ba nang le malwetse a kankere e feta ya batho ba bagolo ba ba nang le malwetse a kankere. Mo motsing ono, kwa dinageng tse di santseng di iketetsa, bontsi jwa malwetse a kankere mo baneng bo kgona go alafiwa, mme halofo kgotsa 60% ya

balwetse ba tle ba alafiwe.

Kwa dinageng tse di rui leng gone balwetse ba le 85% le 90% ba a tle ba alafiwe.”

Bana ba bantsi ba tlhoka go tlhatlhibiwa fa e le gore ba na le bolwetse jono e santse e le semetsing mme ba tle ba alafiwe ka moo go tshwanetseng - ba isiwe kwa maokelong a a ithophileng a tirelo ya kokelo ya bolwetse jono ba alafiwe ke baitseanape ba malwetse ano - fa e le gore re batla go bona palo ya bona e tokafala. **V**

Go bona tshedi-mosetso ka botlalo ikgolaganye le Mogala wa Ditirelo tsa Tsho-ganyetso wa CHOC mo go 0800 333 555.

STAY SAFE
VACCINATE TO SAVE SOUTH AFRICA
TOGETHER WE CAN BEAT CORONAVIRUS

TAKE THE JAB AND PROTECT OUR FUTURE

18-34YR OLDS VACCINATE NOW!

V-CHARGED